

## SU SARDU, LIMBA DE MINORIA

### Ite est una minoria linguística

est una comunidade chi faeddat una limba diferente dae cussa ufiziale. In Itàlia de minorias linguísticas nde tenimus medas, amparadas siat dae sa Costituzione de su 1948, chi in s'articulu 6 narat: "La Repubblica tutela con apposite norme le minoranze linguistiche", siat dae una leze de s'istadu, sa 482 de su 1999 "Norme in materia di minoranze linguistiche storiche".

Sas minorias italianas sunt:

Albanesu, chi faghet parte de sa familia de sas limbas indoeuropeas. Sos dialetos albanesos sunt partzidos in duas variedades mannas, su ghegu



<ul style="list-style-type: none"> <li>■ Tedesco</li> <li>■ Sloveno</li> <li>■ Franco-Provenzale</li> <li>■ Provenzale</li> <li>■ Ladino</li> <li>■ Friulano</li> <li>■ Gallo-Italico</li> <li>■ Veneto</li> </ul>	}	Parlate alloglotte
<ul style="list-style-type: none"> <li>■ Toscano</li> <li>■ Mediani</li> <li>■ Meridionali intermedi</li> <li>■ Meridionali estremi</li> </ul>	}	Dialetti italiani settentrionali
<ul style="list-style-type: none"> <li>■ Logudorese-Campidanese</li> <li>■ Sassarese-Gallurese</li> </ul>	}	Dialetti italiani centro-meridionali
		Sardo

e su toscu.

S'albanesu est faeddadu in Abruzzo, Basilicata, Calabria, Campania, Molise, Puglia, Sicilia.

- Croatu, faghet

parte de su sistema linguísticu serbucroatu e appartenet a su grupu meridionale de sas limbas islavas. Est faeddadu in Molise.

- Francuprovenzale est faeddadu in valle d'Aosta, in unas cantas baddes de su Piemonte e in sos comunes de Celle di San Vito e de Faeto, in provìntzia de Foggia.
  - Frantzesu est faeddadu in valle d'Aosta in ue b'est su bilinguismu italianu-frantzesu.
  - Friulanu faeddadu in sa Regione Autònoma de su Friuli Venezia Giulia.
  - Germànicu faeddadu in Trentino Alto Adige.
- Grecu est una variedade unu pagu diferente dae su grecu modernu e est faeddadu in Puglia e Calabria.

- Islovenu est faeddadu in Friuli Venezia Giúlia, a làcana cun s'Islovènia.
- Ladínu sunt sas faeddadas romanzas traditzionales de s'àrea dolomítica; est faeddadu in sas provìntzias de Bolzano, Trento e Belluno.
- Otzitanícu faeddadu in sas baddes otzitanas de su Piemonte e in su Comune de Guardia Piemontese, in Calabria
- Sardu, faeddadu in Sardìgna



Su sardu est una límba neo-latína, ca benít dae su latínu, comente su catalanu, su corsu, su frantzesu, su friulanu, s'ispagnolu, s'italianu, su ladínu, su portoghesu, su rumenu.



Est faeddadu dae prus de unu milíone de persones in Sardìgna e duncas est sa mínoria línguística prus manna de totu Itàlia.

Sa límba sarda est amparada siat dae s'Istadu (Lege 482/99) siat dae sa Regione Sardìgna (Lege 26/97) chí dant a su sardu sa matessi dignidade de s'italianu.

S'iscopu de sos istados in ue sí faeddant una límba de mínoria est cussu de arribare a su bilinguismu, est a nàrrere chí ambas límbas, sardu e italianu in su casu nostru, síant reconnotas a manera ufiziale dae s'istadu, ambas duas benint impreadas pro faeddare de cale sí siat argumentu sena chí una potzat èssere cunsiderada prus importante de s'àtera. Arribare a su bilinguismu díat chèrrere nàrrere a tènnerre resurtados mannos pro nois sardos:

- s'impreu fitianu de ambas límbas dae parte de totus;
- su reconnoschimentu ufiziale de su sardu dae parte de s'Istadu Italianu;
- sa presèntzia de su sardu in cartellos, in sa toponomàstica e in cale sí siat ratza de avisu;
- su bilinguismu in iscola;
- una cussèntzia noa chí nos permítat de bìdere su sardu comente límba e non prus comente díaletu de sa gente pagu istudiada.

Tocat a ammentare semper chí, èssere e nàschere *bílingue*, cheret nàrrere a tènnere una conca prus bona pro imparare, ammentare, repìtere, fintzas cando s'imparant àteras límbas.

Duncas, est cosa bona a fàghere su possìbile pro dare ufizialidade a sa límba nostra, pro pòdere arribare a su bílinguismu. Su camminu est longu e prenu de ostàculos e dificultades, fintzas pro íte su sardu est istadu, pro sèculos medas, límba faeddada ebbia. Sos conchistadores chí sunt arribados a s'ìsula nostra nd'ant batidu sa límba íssoro; ant arrichidu e fintzas mudadu sa nostra e cumplicadu s'assetu de sa límba sarda.

Su sardu est unu ebbia ma bí sunt diferèntzias in sa manera de faeddare de nois sardos, bí sunt variantes medas, fortzis una pro onni bìdda de Sardigna, diferentes íntre íssas.

Agatare una manera de iscrìere chí potzat andare bene a totus, normas ortogràficas chí síant coerentes cun totus sas variantes de su sardu no est fàtzile, ma mancu impossìbile.

Nos devimus ammentare semper chí...

una límba chí est faeddada ebbia, mancat de carchi cosa, est una límba a metade, arriscat de iscumpàrrere.